

Quòd Phrygiæ Epicæticæ sint Axiani, Nacolia, Cotyaium, Mydaium, & Dorylaium urbes, & Cadi. Quòd Mysiæ pars mediterranea, ab Olympica regione in Pergamenam descendit, & in Caici campos. Quòd supra Epicæticū ad austrum maior Phrygia est, quæ à sinistra Pisinuntem & Lycaonas, à dextra Lydiam & Cariam relinquit. In ea est Phrygia quæ prætermontana dicitur, & Pisidia & Amorio & Eumenia & Synnada: deinde Apamia quæ Cibotus dicitur et Laodicea & Colossæ. Quòd Marsyas fluuius ex Apamia urbe magna ortū habens, in Mæandrum egreditur. Quòd cursus Mæandri adeo est flexuosus, ut obliquitates omnes ab eo mæandri dicantur. Quòd quæ circa Mæandrum fluuiū est regio ferè tota à terræmotibus quatitur & aquis atq; ignibus peraratur, à campis incipiens usq; ad Magnesium & Hierapolim. Quòd Prienen quæ prius ad mare erat, Mæander, facta limi aggestione, mediterraneam effecit, ad stadia ducenta quinquaginta. Quòd Typhonis casum & Arimorum, per hanc exustam Phrygiam & Lydiam euenisse aiunt. Alij autem affirmant, etiam quæ inter Mæandrum ac Lydos sunt, omnia eiusmodi esse.

## LIBRI DECIMITERTII.



Quòd à Cyzico & locis Æsapo & Granico uicinis Abydum usq; Propontidis ora sit maritima. Ex Abydo aut Lectū usq; Ilij et Tenedi & Troianæ Alexandria regio. His omnibus Ida imminet. A Lecto uero usq; ad Caicum & Canas dictas, Assus est & Adramyttium & Atarneus & Pitana & sinus Elaiticus. Quibus omnibus Lesbos insula ex aduerso confurgit: deinde Cumanus ager usq; ad Hermū & Phocenses, hæc Æolia est, quam sequitur Ionia. Quòd à Cyzico & Æsapo fluuiū, usq; ad Caicum fluuiū, regio est quam Homerus Troianam dicit, in octo principatus diuisa, sed Æolorum colonia aliter hanc diuisionem fecit, per totam Troianam oram dispersa, & usq; ad Hermum fluuiū extēta. Quatuor autē seculis Æolica colonia, q̄ Ionica antiquior est. Nā Agamemnonis filius Orestes Æolica classi imperauit, quo in Arcadia mortuo Penthilus eius filius successit, & usque in Thraciam processit annis post Troiam sexaginta, quo tempore Heraclidē in Peloponnesum rediere: deinde Archelaus illius filius cum Æolica classe in eam quæ circa Cyzicum & Dascyliū est regionem traiecit. Graus uero filius eius iunior usq; ad Granicum fluuiū progressus est, & trañciens in Lesbum eam occupauit. Cleuas item & Dorus & Malaus, qui & ipsi ab Agamemnone erāt profecti, primum quidem Locrida & montem Phricium, longo tempore obtinuerūt. Postea transgressi Cumas condiderunt, Phriconidas à Locrensi monte appellatas. Quòd Priapus fluuius est iuxta Cyzicum, aduersus Artacen Cyzicenam urbem confurgens.

Quòd Æsapus fluuius Cyzico urbe orientalis est. Quòd à Pario oppido usq; ad Practium oppidum occasum uersus stadia sunt ccc. Quòd Ida mons scolopendræ formā habet, atq; in mediterraneam, promontorio quod circa Zeleam est terminatur, in pelagus autem Lecto, quod in Ægæum descendit.

Quòd Zelia urbs, Cyzicorum est ditionis. Quòd Homerus Idam montem Lecto terminat, quod primum est à mari, & Zelia, inquit,

*Ἰδῶν τὸ δὲ αὐτῶν ἰδῶν.*



## IN STRABONEM.

Idæpede sub extremo. Quòd Lectum Idæ promontorium, & Canæ promontorium, sinum Idæum faciunt. Quòd duplices sunt Cilices, alteri The-

bæi Hypoplacii, unde Chryseis erat: alteri Lyrnessii, e quibus erat Briseis,

*πρὸς τὴν λυρνησίδ' ἐξέλετο πολλὰ μογισσας.*

Hanc e Lyrnesso capiens multū laborabat. Hæc urbs erat diui Mynetis. E The-

bis Chryseidem fuisse, sic inquit,

*ὠχόμεθ' ἐς θήβην ἐργὴν πόλιν.*

Nos Thebam aduecti sacram. Ex hac etiā Andromache fuit. Sunt itaque duo hi Troianorum principatus. unde quæ de Andromache dicuntur, in hyperbato sunt legenda,

*ἑμφοτέροι σὺ μὲν γὰρ τροίην*

*αὐτὰρ ἐγὼ θήβησιν.*

Vterq; e nobis, tu per Troiam

Astego Thebis. Sic enim est legendum.

*ἑμφοτέροι γὰρ τροίην, σὺ μὲν πριάμω ποτὶ δῶμα,*

*αὐτὰρ ἐγὼ θήβησιν.*

Vterq; ex Troia, sed patris in laribus Priami tu, Astego Thebis. Tertius est Lelegum principatus, qui & ipse Troianus est,

*ἄλτρωος λελέγεσι φιλοππολεμοισιν ἄνασσει.*

Maximus Altes

Sub cuius Lelegum populi ditione tenentur. Et sub Hectore Troiani erant,

*πρωσί μὲν ἡγεμόνδην.*

Hector item Troas duxit. Quiq; sub Ænea fuere Dardani Troiani erant, uelut quoties dicit,

*ἀνεία πρώων βαλὴφορε.*

Æneæ Troum dux consultissime. Sexti sunt sub Pandaro Lycii, quos proprie Troianos appellat. Septimi, qui inter Aesapum & Abydum sunt Troes dicuntur. Po nuntur autem sub Asio Abydeni Troes. Democoon quoque Priami filius,

*ἂβυδόνην ἦλθε παρ' ἱππων ὠκειάων.*

Is ab Abydo aderat tunc a pernicious equis. Et Hicetaonis filius apud Percoten boues pascebat, nec ipse alienas, & qui Adrastiam usque imperabāt Meropis duo filij Troiani erant, octauus hic principatus est. Nonus Troiæ principatus est,

qui sub Eurypylo Telephi filio censetur. Quod autē omnibus his Priamus imperaret, Achilles declarat, inquit,

*ὄσσην λέσβου ἄνω μακάρων ἔδ' ἔγ' ἑγὼς ἔεργει*

*καὶ φρυγίην καδ' ὑπερθε καὶ ἐλίουποντος ἀπέρω.*

Quæ foelix pariter Lesbos complectitur, & quæ Comprendit Phrygiæ tellus ac Hellepontus.

Quòd Lycii qui sub Pandaro fuerunt Aphnii dicti sint ab Aphnitide lacu, qui Dascilyticus lacus est. Zelia a Cyzico distat uersus ortū stad. centū nonaginta. A proximo mari uero, in quod Aesapus flu. egreditur, stad. circiter octuaginta.

Quòd Zelia mediterranea est, eiq; subiacent Cyzico & Priapo adiacentia loca. Circa Zeliam Tarsus est fluuius, qui uiginti locis transitur, sicut Heptaporus.

Quòd inter Aesapum fluuium & Priapum Granicus fluit, magna ex parte per Adrastiae campos. Priapus autem urbs est super mari sita, & portus.



Quòd Adrastia urbs inter Priapum est urbem & Parium, super Aesopo fluuio. Priapus hæc portum habet minorem quàm Parius. Quòd Pityga urbs sit mediterranea inter Parium & Priapum urbes.

Quòd inter Lampfacum et Parium Pesus urbs sit et fluuius. Homerus tribus syllabis eam appellat, inquit,

*ἡ δ᾽ ἄμω ἀπαισῶ,*

gentemq; quoque Apæsi.

Item,

*ὅς ῥ᾽ ἂν ἀπαισῶ.*

habitat moenia Apæsi.

Quòd in Cumæa regiõ locus est, foeminino genere numeroq; plurali dictus Gergithes. Est etiã urbs à qua in agro Lampfaceno Gergithius ager est dictus.

Quòd Practium apud Homerum nõ est urbs, sed fluuius inter Abydum fluens & Lampfacum.

Quòd Xerxis pons in Abydo, paulo magis ad ortũ fuit locata quàm sit Abydus, magisq; ad occasum quàm Sestus. Id notatu dignum maxime est.

Quòd Strabo consentit fabulæ de Hero, quod in Sesto fuerit ipsius turris, quodq; casus Leandri illic euenerit.

Quòd aurea metalla in Pactolo Lydiæ nunc defecerint.

Quòd ab Abydo ad Aesapum fluuium, stadia sint septingenta: itinere scilicet pedestri, recta uero nauigatione, pauciora.

Quòd Ilus post diluuium primus ausus est urbem in planitiem locare, quæ ab eo dicta fuit Ilium. unde in campo est sepultus,

*οἱ δὲ παρ᾽ Ἴλῳ σῆμα*

*μείσον κατὰ πεδίον.*

Hi uero ad tumulos Ili

Per campum medium. Sunt qui dicant, quæ nũc ostenditur urbs, non esse Ilium Homeri. Sed aliam esse, magis humilem. Antiquam enim magis editam fuisse, prope Idam stad. quadraginta.

Quòd quæ nũc Alexandria Troas dicitur, urbs deserta, prius Antigonía dicebatur. Nam ab Antigono habitata fuit qui ex Alexandri magni ducibus imperauit Phrygiæ. Postmodũ à Lyfimacho Alexandria fuit appellata, quod magis uideretur operepretiũ esse, ut ab eo cognomẽ acciperet, qui totius uictoriæ de Persis habitæ author extitisset, ab ipso uidelicet Alexandro.

Quòd Fimbria Romanus bello aduersum Mithridatem gesto, cum Iliũ admoto ad urbẽ exercitu undecimo die cepisset, atq; inde gloriaretur, quã urbẽ Agamemnon decimo anno uix cepisset, cum mille nauium classem & uniuersam Græciam secũ haberet, se undecimo die obtinuisse, Respondit quidã ex Iliensibus, Nõ enim Hector aderat qui pro ciuitate pugnaret.

Quòd inter Abydum & Dardanum urbem, Rhodius fluuius labitur, ex aduerso sepulchri Hecubæ quod Canis dicitur.

Quòd sepulchrũ Hectoris in Ophryngo est loco excelso Troadis. Deinde Rhoetium urbs deserta, inde Aegialus, postea Aiæcis sepulchrum, inde Segium urbs deserta, postmodum Achillis sepulchrum & Patrocli & Antilochi: deinde nauium statio & castra Græcorũ, mox Simoentis & Scamandri ostia stagnantia & paludes, & lacus qui Os dicitur. Quæ omnia Iliõ subsunt.

Quòd Priamus exiguo inuento Troianorum regno, ita ut Hercules, Cumq; uiris paucis & sex cũ nauibus ipsa Pergama diripuerit, illud in immẽsum auxerit, ut rex regum appellaretur, quemadmodum significat illud,

*ὄσσοι λέσβος ἄνω μακάρων ἐδῶ.*

Quæ foelix pariter Lesbos cõplectitur.

Quòd Campus Troianus à mari usq; ad Idam porrigit se, cuius partes australes in Scepsim, septentrionales in Zeliã fini

fini



I N S T R A B O N E M .

finiunt. Quòd permultis & fide dignis argumentis Strabo ostendit què nūc Ilium appellatur, non esse ab Homero decantatam urbem, sed hac excellior est & orientalis quæ uere Ilios dicitur, Hectoris scilicet patria. Quòd si ne uestigia quidem ipsius supersunt, sed quæ uisuntur nunc, humilioris sunt uestigia, mirum esse non debet. Tempus enim permulta eiusmodi facit. Quòd iuxta uetustum quendam morem Agamemnon male imprecatus est ijs qui Ilium instaurare audent, eamq; ob causam posterius religione ducti, locum elegerunt uicinum, antiquo simillimum & hunc ædificatum Ilium appellarunt, hoc pacto Agamemnonis execrationes effugerunt. Quòd Rhesus fluuius nunc Rhoites appellatur, Heptaporus autè Polyporus, ortum habens à locis pulchræ pinui finitimis ad uicum Melænas euntibus. Cæterum pulchra pinus ambitum habuit pedum uiginti quatuor, altitudinem à radice sexaginta septem pedū. Postea in tres partes scissa æqualiter inter se distantes, rursus in unum uerticem contrahitur. Totam uero altitudinem duorum iugerum & cubitorum quindecim habet. Quòd Carefus fluuius à Maluntelabitur, qui locus inter Palæsepsim iacet & Acheium ulterioris Tenediorum agri. Immittit autem in Æsapum. Rhodius uero à Cleandria & Gordo in Æmum influit. Quòd Smintheus Apollo à Tenedijs colitur. Et tēplum ipsius in Tenedo est, unde illud dicitur,

*τενιδιό τε ἰφι ἀνάσσει σμινθῶν.*

Smintheu præclare Tenedi domator Apollo. Quòd aliud templū est Sminthei Apollinis in Troade, iuxta mare situm. Quòd insulæ exiguæ iuxta Tenedum, Calydnæ uocantur. Quòd circa Troadem Achæus locus sit: deinde Larissa & Colonæ & Chrysa nunc dicta in loco excelso super mari sita.

Quòd in Sminthei templo mus sit æreus, pedi statuæ subiacens. Sunt autem Sminthei Apollinis permulta templa. Quòd circa Lectū promontoriū sales sunt quæ uentis Etesijs sponte congelascunt. Quòd Homerus in sinu Adramyttico locat Lelegas et Cilices utrosq; quo loco Pedasus urbs est deserta & Satinois fluuius, qui torrens est, & Thebæ ac Lyrnessus urbes. Quòd Amaxitæ maritimi sunt, ac supra eos Neandrenses. Deinde Cebrenij supra hos, mox Dardani usque ad Palæsepsim, quibus imperauit etiam Æneas. Inde Scepsis. Quòd à Lecto promontorio, usq; ad Gargara uersus ortum sita, stad. sunt ducenta sexaginta.

Quòd post Adramyttium Coryphantis & Heraclia uicus sint: inde Attea, ab hac Atarneus & Pitane, & Caici fluuij ostia. Quòd nonnulli Romanis gratificantes hos uersus Homeri de Aenea hoc pacto transscribunt,

*νῦν δὲ δὴ ἀνέειο γένος πάντας ἄναξ.*

At genus Aenæ cunctis dominabitur oris. Quòd è Scepsi urbe fuerit Coriscus Socraticus, & huius filius Neleus, qui & Theophrastum & Aristotelem audiuit, & successor fuit Bibliothecæ Theophrasti in qua Aristotelica inerat. Nam Aristoteles & Bibliothecā & scholam Theophrasto reliquit, & primus omnium quos scimus libros cōgregauit, & Aegypti reges bibliothecę ordinē docuit. Theophrastus uero eam tradidit Neleo, Neleus Scepsim detulit, ac posteris dedit hominibus sanè imperitis, qui libros inclusos, ac negligēter positos tenebāt. Cumq; Attalicorum regū sub quibus erant, studiū sentirent cōquirendorū librorū, ad instruendā eam Bibliothecā quæ Pergami erat, eos in fossa quadā sub terrā occuluerūt, quos & tineis & humiditate labefactos, tandem qui ex eo genere erant Apelliconi Teio



tradiderūt, magno emptos argento, Aristotelicos scilicet ac Theophrasticos. Apellicon, ut qui magis librorū esset studiosus quā sapiētig, uolens corrosiones emendare, eos transcribendos dedit, scriptura non recte suppleta, quapropter libros edidit erroribus plenos. Sed antiqui Peripatetici post Theophrastū, cum omnino libris ordinarijs carerent, paucis duntaxat exceptis exteriorum sermonum, nihil habebāt in quo firmīter philosopharentur, sed positiones quasdā lucubrābāt. Posteriores, postquam hi libri in lucem uenerunt, Aristotelem imitantes longe melius quā illi philosophati sunt. nam propter errorum multitudinem consentanea dicere necesse habuere. Multum ad hoc Romani contulerunt. Nam continuo post Apelliconis obitum Sylla qui Athenas cepit, allata illius bibliotheca huc eam transtulit. Tyrannion quoque grammaticus incoepit, cum Aristotelis amantissimus esset, eo sibi conciliato qui bibliothecæ præerat. Item librarij quidam scriptoribus utentes non bonis, nec scripta conferentes, quod in his libris præsertim fieri solet qui uendēdi transcribūtur, tum hic tū etiam Alexandriæ. Quòd post Scepsim urbem Andera sunt, & Pionia et Gargaris. Iuxta Andera lapis est qui uetus in ferrum mutatur: deinde cum terra quadam in fornace excoctus, pseudargyrum exudat, quæ terra si æs assumat, fit mixtio quam nōnulli uocant orichalcum. Fit etiam circa Tmolum pseudargyros. Quòd Assus urbs foelix sit & munita, à mari & portu rectum & longum ascensum habens. Vnde illud Stratonici commode dictum est, ἄσσυρον ἴθ' ὠστρεν βαῖσσαν ἀλεθ, & πείραθ' ἰνναί. Hic Cleanthes fuit stoicus philosophus, q̄ Zenonis Citiensis scholę successit, quā postea Chrisippo Solensi reliquit. Hoc in loco Aristoteles aliquandiu permāsit, propter eam affinitatē quā cum Hermia Tyranno contraxerat. Fuit autem Hermias Eunuchus, trapezitæ cuiusdam famulus, qui Athenas profectus Platonem Aristotelem q̄ audiuit, postea ad dominum reuersus, cum ipso imperauit primū, Atarnenses & Assenses aggresso: deinde illi successit & Aristotelem & Xenocratem ad se accersitos diligēter curauit. Aristoteli etiam fratris sororem dedit. Per id tempus Memnon Rhodius cum Persis ministraret, & exercitū duceret, simulata cum Eunucho amicitia hospitalitatis nomine & tractandarū rerum gratia illum ad se uocat, quem cum comprehendisset ad regē misit ibiq̄ suspensus est. Quòd circa Assum & Gargarū loca & Scepsim Lelegum sunt, qui inter Cilices & Dardanos habitabant, urbem habentes Pedasum. fugientes autem Achillis incursionem in Cariam uenerunt, & urbem Pedasum condiderūt eodē nomine quo patria. Quòd post Lelegas, sequens litus Homeri tempore habebant Cilices, quo loco nunc est Adramyttium & Atarnitæ & Pitanæi usq̄ ad Caici ostia: horū duæ sunt urbes Thebæ Hyppoplacię & Lyrnessus. Quòd Thebæ & Lyrnessus in Thebano campo sitę ab Adramyttio urbe distant, illa quidē stadijs sexaginta, hæc uero octuaginta. Cæterum in Adramytteno agro Chrysa est & Cilla. Sunt autem circa Antandrū hæc. Quòd Cillus Pelopis fuerit auriga, à quo Cilla urbs & Cilices sunt dicti. Quòd in Pitana Æolica lateres aiunt aquæ supernatare, quemadmodū in Tyrannia. Nam terra quā aqua sit, leuior est. In Iberia uero Posidonius ait se uidisse ex quadā creta lateres factos supernatare. Quòd Caicus fluuius post Pitanen se in Elaiticū sinū influit, ex aduerso Elææ urbis. Quòd Elæa urbs nauale est Pergami urbis, à Pergamo distans stadijs centū uiginti. Quòd Cana promontoriū est assurgens cōtra Lectū promontoriū & Adramyttenū sinū efficiens. Cuius pars etiam Elai



Elaiticus est sinus. Quòd Cana numero etiam plurali Canæ dicitur: circa hanc promontorium est Æga. Cæterum *γὰρ* ipsum oportet ut longum sit accipere.

Quòd inter Eleam & Pitaneam & Atarneam & Pergamum, Teuthrania sit urbs, à nulla harum ultra septuaginta stadia distans, intra Caicum. Quòd in locis circa Caicum, Eurypylus Telephides imperasse uidetur quem Pyrrhus Achillis filius interemit.

Quòd in Elaitide fluuius sit torrenti similis, Cetiis nomine. Vnde forte dictum est *ἑλίττειοι λέγειν ὄνομα γυναικῶν εἰς τὴν ἄλσιν.* Quòd Lesbi insulæ ambitus stadiorum sit mille & centum.

Quòd Strabo sub Tiberio Romanorum imperatore fuerit. Quòd Phanius & Theophrastus Aristotelici ex Ereffe fuerint. Theophrastus prius Tyrtamus dicebatur, cæterum ab Aristotele sic appellari cepit.

Quòd Hellanicus historicus, Lesbius fuerit. In freto quod inter Asiam est & Lesbum, insulæ sunt quadraginta. hæc composito uocabulo Hecatonnesi uocantur, quemadmodum Peloponnesus, & Myonnesus & Proconnesus & Halonnesus. habent enim duplex est consuetudine.

Quòd Hecatonnesi uocantur tanquam Apollonnesi. Nam Apollo Hecatos est dictus. Quòd ante Lesbum Pardoselena sit, urbem habens eodem cognomento, ceterum nominis infamiam fugientes Poroselenam ipsam appellant.

Mons circa Pergamum Aspendenus fuit. Et quod in eo templum est, Matris Aspendenæ. Quid igitur dicemus de Pordali & de Saperda & Perdicca & *σωππορδάκοισιν*, quod idem significat quod madidis? Quòd Homerus in Catalogo Lelegum & Cilicum & Cauconum iure non meminit. Nam ab Achille extincti erant, Etion & Mynes & Epistrophus atque ipsorum populi.

Quòd Pelasgorum princeps Hippothous Larissam patriam habuit, eam scilicet que circa Cumam Æoliæ est sita. Cæterum Pelasgi ab Æolis interierunt.

Quòd Cumæ carpuntur ut insulse & hebetes, quod annis CCC. demum post urbis ædificationem portus uectigalia exegerint, tanquam tum primum intelligerent se iuxta mare sitos esse, ac huius prouentum antea non animaduertissent. Dicitur & aliter, quòd publica pecunia mutuo accepta porticus construxerunt, postea cum pecuniam constituta die non reddidissent, à deambulatione arcebantur. Sed cum pluuia essent, in dedecus quoddam creditores edictum emittebant, ut Cumani porticus subirent. Et cum præco ita in clamaret porticus subire, dictum esse pro uerbum Cumanos non sentire, quòd in pluuia porticus subeunda sit, nisi aliquis per præconem admoneat. Cumanus fuit Hesiodus & Ephorus Isocratis familiaris, qui Historias scripsit. Cuma dicta fuit ab Amazone quadam, sicut Myrene & Mytilene.

Quòd Pergamus urbs Gazophylacium fuerit Lyfimachi & Agathoclis, qui ex Alexandri successoribus fuit unus. Pecuniarum custodia, quæ erant talentorum nouem millia commissa erat Philetæro Tyanensi, qui à puero spado erat, in quadam turba oppressus cum nutrice, eaque propter eunuchus. Is initio charus erat Lyfimacho, sed cum ab Arsinoe illius uxore dissideret, propterea quod eum accusauerat, defectionem parauit uidens nouas res permultas. Nam Lyfimachus à malis familiaribus coactus fuit proprium filium Agathoclem interimere: Seleucus uero Nicator reuersus, illum sustulit, & ipse interemptus est, à Ptolemæo Cerauno dolo occisus. Cæterum Philetærus annos uiginti Dominus fuit arcis & pecuniarum, pollicitando semper ac ualidioribus propioribusque obsequendo. Erant ei fratres duo Eumenes & Attalus. Ex seniore itaque Eumene, filius Eumenes natus fuit. Is Pergami successionem habuit, & iam loca circuncirca tenebat, unde apud



Sardes Antiochum Seleuci filium superauit, cum eo cōgressus. Obijt cum duobus & uiginti annis imperasset. Attalus ex Attalo & Antiochide natus in imperio successit, & primo rex est nūcupatus. Hic Galatas prælio maximo superauit, & Romanorum amicus fuit, & cum eis in classe Rhodiorum aduersus Philippū pugnauit. Obijt iam senior cum annis quadraginta & tribus imperasset. Filius quatuor reliquit, Eumenem, Attalum, Philetærum, Athenæum. Ex his iuniores priuatum statum duxerunt. Eumenes uero imperans cum Romanis aduersus Antiochum magnum & contra Perfen bellum gessit. Et à Romanis totam eam regionem accepit, quæ sub Antiocho circa Taurum erat. Nam initio regionem non multum tenebat. Hic imperium multum auxit & ædificijs & donis & bibliothecis, imperauit annos quadraginta nouem, ac imperium Attalo filio reliquit, dum puer adhuc esset, & huius tutorem Attalum proprium fratrem. Is cum annis xx. & uno imperasset, tanquam tutor, multis rebus sceleriter gestis senex admodum interiit. Nam aduersus Demetrium Seleuci filium, cum Alexandro Antiochi filio bellum gessit, & cum Romanis aduersus Pseudophilippum pugnauit. Deigylim quoque regem cepit ducto in Thraciam exercitu. Item Prusiam interemit præfecto illi filio Nicomede. Cæterum qui sub tutela erat Attalus, cum annis quinque imperasset Philometor appellatus, morbo defunctus est, Romanis hæredibus relictis, qui eam regionem prouinciam fecerunt, Asiam appellantes eodem nomine quo et continentem. Quòd Caicus fluuius Pergamū præterfluit, per Caicum campū felicem. Quòd ex Tmolo Pactolus fluit, habens auri ramenta, quæ hoc tempore defecere. Exit in Hermū fluuiū, in quem etiam Hyllus fluuius egreditur, qui nūc Phrygius dicitur. Quòd lacus quædam apud Homerū Gygeus, postea Colous fuit appellatus. Quòd Arimos alij in Lydia fuisse aiūt: alij in Cilicia, nōnulli in Syria, alij in Pytheculis, quo loco etiam Typhoea fuisse dicūt. Quòd in Hierapole calidæ sunt aquæ & Plutonium, ambo non paruam admirationem præstantia. Nam aqua adeo faciliter in tophum duratur, ut qui aquæductus deducunt, integra septa ex eo aquis conficiant. Plutonium, os est in paruo quodam imminentis montis supercilio, ita commensuratum ut hominem possit suscipere, mira profunditate. Huic propositum est uallum quadratum, ambitu ferè semijugeri, quod nebulosa & crassa caligine plenum est, ut uix solum discerni possit. Ad septum appropinquantibus, aër innoxius est, purus ab illa caligine, in tranquillitate uentorū. Nam caligo intra ambitum manet. Si uero animal intro progrediatur, statim moritur. Quapropter tauri introducti cadunt, & mortui educuntur. Nos passeris immisimus qui subito mortui ceciderunt. Galli uero execti illæsi accedunt, ut etiam usque ad os appropinquent, introspeciant, & immergantur, quousque possunt spiritum continentes. Videbamus enim ex aspectu æstuosæ cuiusdam passionis indicium, siue quòd omnes id experiantur, siue soli sacerdotes, siue diuina prouidentia, quemadmodum uerisimile in ijs est qui numine sunt afflati, siue quòd hoc uiribus quibusdam reluctantibus contingat. Quòd Caballenses credant Solymos esse, unde collis qui Termesi promontorio imminet Solymus uocatur, & ipsi Termenses Solymi dicuntur. Proximum est Bellerophontis uallum, & Pisandri eius filij sepulchrum, qui in bello contra Solymos gesto cecidit. Quòd Cebyrensis administratio, inter maximas totius Asiæ censetur. Utebantur Cebyratae linguis quatuor, Pisidica, Solymorum, Græcorum & Lydorū. Quòd



IN STRABONEM.

Quòd apud Cebyreos proprium sit ferrum facile tornari.

LIBRI DECIMIQUARTI.



V O' D Ionum Coloniae praefuerit Androclus Codri Athenarum regis filius, postmodum Aelicae. Is Ephesum aedificans, Regiam Ioniae assignauit. Sunt autem Ionum ciuitates haec: Miletus, Mius, Lebedus, Colophon, Priena, Teos, Erythrae, Phocaea, Clazomeng, Chius, Samus, in uniuersum duodecim. Postmodum Smyrna fuit assumpta.

Quòd Apollinis oraculum apud Branchidas in Mileto sit. Quòd quae nunc Samos appellatur infula Ionica, prius dicebatur Parthenia, deinde Anthemus, inde Melamphylus, postea Samus. Quòd Samus adeo sit ferax, ut quae eam laudat, prouerbio dicere consuerint, Fert & auium lac.

Quòd ob Solyfontis Samiorum tyranni amarulentiam Samus adeo uiris fuit destituta, ut prouerbium inde natum sit quo dicitur, Solyfontis opera locus amplus est.

Quòd Athenienses per Periclem Samo potiti, municipes in eam miserunt, e quorum numero Neocles fuit Epicuri philosophi pater, ludimagister. Is in Samo nutritus, adolescentiam Athenis egit cum Menandro comico.

Quòd Creophylus hospes Homeri Samius fuerit. Caeterum o magnum hic scribitur. Quòd Agamemnon Pygela condidit: fuit autem a parte quadam gentium illius habitatum oppidum. Nam quidam Pygalij nominati, calamitatibus defatigati illic remanserunt, ac locum Pygela uocarunt.

Quòd post Troiae captiuitatem Calchas uates cum Amphiarao pedester in Colophonem peruenit. Caeterum cum in uatem meliorem se iuxta Clarum incidisset, Mopsus scilicet Mantus filium, quae Tyresiae erat filia, praeter tristitia perijt. Caeterum Hesiodus etiam carmine hunc sermonem ita effert,

*θαῦμα μ' ἔχει κατὰ θυμὸν, ἔρνεός ὄσσεσ' ὀλύνθους  
οὐτ' ἔχει μικρὸς πρὸ ἔων, εἰ ποῖσ' ἄρ' ἀειθμὸν.*

Mirabor sane poteris si dicere ficus

Quot numero haec caprificus habet, per parua licet sit. Hunc uero respondisse,

*μύριοι εἰσι κατὰ θυμὸν, ἀτὰρ μέτρον γέ, μέδμην  
εἰς δὲ πρὸς οὐρα, ὅν' ἐπελθόμεν οὐκ ἐδύνατο.  
ὡς φάτο καὶ σφω ἀειθμὸς ἐτήτυμ' εἶδ' ἐτο μέτρον,  
ἔ τότε δὴ κάλχανθ' ὑπὸ θανάτῳ κάλυψεν.*

Mille quidem decies, modius mensura, super quae  
Vna fit, hanc nullo poteris comprehendere pacto  
Dixit, & inuentus numerus mensurae certa est,  
Continuo mortis Calchanti somnus obortus.

Pherecydes autem inquit, praegnantem suae oblata, Calchantem interrogasse, quot porcos haberet, hunc respondisse tres, atque ex ijs unam esse foeminam. Et cum Mopsus uera locutus esset, illum obiisse.

Quòd Colophonij aliquando nauatilibus opibus, & equestribus tantum excelluerunt, ut in quancunque partem siue suffragio siue auxilio equestri, aut pedestri, aut nauibus incubuissent, finis operi imponeretur, adeo ut prouerbium inde sit natum, Colophonem imposuit, pro eo quod est finem.

Quòd prouerbium sit Corycaeus auscultauit, cum quispiam aliquid secreto aut facere aut dicere uideretur, neque tamen lateat ob eos qui speculantur & scire student quae minime conuenit. Id quod Corycaei